

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

Broj: 02 -02- 7- 137/17  
Sarajevo, 9.2.2017. godine

## Z A P I S N I K

### 17. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 2. i 9. februara 2017. godine

Sjednica je počela u 16:50 nakon završetka 16. sjednice.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je još jednom pozdravila prisutne.

Na osnovu evidencije Stručne službe, predsjedavajuća je konstatovala da sjednici prisustvuje 39 delegata, što čini većinu pa Dom naroda može raditi i punovažno odlučivati.

Predsjedavajuća je, zatim, konstatovala da je Dom naroda Parlamenta Federacije BiH, bez primjedbi, sa 37 glasova za, usvojio Zapisnik 12. vanredne sjednice Doma naroda Parlamenta Federacije Bosne i Hercegovine, održane 29. decembra 2016. godine.

#### **Delegatska pitanja i inicijative**

**Tomislav Mandić** je izrazio nezadovoljstvo zbog izostanka odgovora na pitanja upućena upravi Javnog preduzeća Autoceste Federacije BiH. Izjavio je da nije dobio odgovore na pitanja vezana za početak izgradnje Autoceste kroz Hercegovinu. Postavio je pitanje premijeru Federacije u vezi donošenja Odluke od 15.4.2016. godine o pristupanju realizaciji projekta izgradnje dionica Autoceste Drivuša - Donja Gračanica, poddionica Klopče - Donja Gračanica. Pitao je kako se mogla dati saglasnost za nastavak procedure ugovaranja kada za ovaj Projekt nedostaju finansijska sredstava u iznosu od 36 miliona eura. Upitao je iz kojih izvora će se osigurati nedostajuća sredstva. Osvrnuo se i na rad Uprave i Nadzornog odbora ovog preduzeća.

**Željko Mirković** je pokrenuo inicijativu prema potpredsjedniku Federacije Bosne i Hercegovine, gospodinu Milanu Dunoviću, za ocjenu ustavnosti Zakona o dopuni Zakona o visini stope zatezne kamate objavljenog u „Službenim novinama Federacije BiH“, broj 101/16.

**Drago Puzigaća** je postavio pitanje premijeru Federacije u vezi asfaltiranja regionalnog puta Glamoč - Drvar i zatražio pisani odgovor

**Dario Pušić** je postavio pitanje Vladi Federacije koje su aktivnosti poduzete na tome da Federacija Bosne i Hercegovine dobije grb i zastavu. Zatražio je pisani odgovor.

**Anes Osmanović** je postavio dva pitanja i pokrenuo dvije inicijative.

Prvo pitanje je postavio Vladi Federacije o tačnom broju ljudi koji su napustili Bosnu i Hercegovinu i zatražio je dostavu pisanog odgovora, razvrstanog po godinama i kantonima.

Drugo pitanje je, također, postavio Vladi Federacije - Koje mjere Vlada poduzima s ciljem sprječavanja daljnjeg iseljavanja?

Prvu inicijativu je pokrenuo prema Vladi Federacije za održavanje tematske sjednice sa predstavnicima općina i kantona iz kojih ljudi najviše odlaze na kojoj bi bile predložene mjere sprječavanja daljnjeg iseljavanja.

Drugom inicijativom je predložio da predstavnici domova Parlamenta Federacije prisustvuju ovoj sjednici i izvijeste članove Parlamenta o donesenim zaključcima.

**Almedin Aliefendić** je postavio dva pitanja koja je predao Stručnoj službi. Upitao je kada će Vlada Federacije dostaviti Prijedlog zakona o izmjenama i dopunama Zakona o sukobu interesa u Federaciji BiH. Zatražio je pisane odgovore.

**Aner Žuljević** je ponovio pitanje upućeno ranije i postavio dva pitanja.

Ponovio je pitanje federalnoj ministrici okoliša i turizma u cilju preispitivanja izdavanja okolinske dozvole za izgradnju mini hidroelektrana na rijeci Buni u Mostaru.

Postavio je pitanje Vladi Federacije u vezi rezultata implementacije Uredbe o prvom zapošljavanju, te zatražio informaciju koliko pravnih lica je konkurisalo i u kojim djelatnostima, te koliko njih je ostvarilo pravo na poticaje. Zatražio je dostavu broja lica, u okviru navedenih pravnih lica, koja su ostvarila pravo na poticaje i strukturno po kantonima.

**Slaviša Šućur** je postavio pitanje u vezi poreznog duga u Federaciji BiH. Zatražio je dostavu spiska i strukture ovog duga po firmama i vlasničkoj strukturi.

**Segmedina Srna Bajramović** je postavila dva pitanja.

Prvo pitanje je postavila Vladi Federacije. Pitanje se odnosi na zapošljavanje u javnim institucijama i organima uprave uprkos moratoriju koji je uvela Vlada Federacije. Zatražila je dostavu spiska angažovanih lica uposlenih u ministarstvima, agencijama i javnim preduzećima koja su u većinskom vlasništvu Federacije bez konkursne procedure i razlog njihovog angažmana. Upitala je da li postoji institucija na koju se ne primjenjuje moratorij.

Drugo pitanje se odnosi na mjere koje Vlada Federacije treba poduzeti s ciljem sprječavanja odlaska ljekara iz javnog sektora.

**Vesna Saradžić** je postavila pitanje federalnoj ministrici okoliša i turizma u vezi aktivnosti otkupa i recikliranja plastičnog otpada.

**Muhamed Kozadra** je zatražio dopunu odgovora od federalnog ministarstva finansija u vezi unutrašnjeg i vanjskog duga i transfera po kodovima.

Nakon postavljenih pitanja i pokrenutih inicijativa, prešlo se na utvrđivanje dnevnog reda.

Predsjedavajuća je podsjetila delegate da je na 16. sjednici podijeljen Prijedlog Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ za period od 2008. do 2028. godine sa popratnim materijalima. Kolegij Doma naroda je predložio da se ova tačka skine s dnevnog reda ove sjednice i razmatra kao prva tačka 18. sjednice, što su delegati prihvatili.

Predsjedavajuća je, zatim, obavijestila delegate da je Ustavni sud Federacije Bosne i Hercegovine, 23.3.2016. godine donio Presudu, broj: U-27/15 kojom je utvrdio da čl. 33. i 40. Zakona o stečajnom postupku („Službene novine Federacije BiH“, br. 29/03, 32/04 i 42/06) nisu u saglasnosti sa Ustavom Federacije Bosne i Hercegovine. Presuda je dostavljena Parlamentu Federacije Bosne i Hercegovine.

U skladu sa članom 250. Poslovnika o radu Doma naroda Parlamenta Federacije Bosne i Hercegovine presude su upućene delegatima i nadležnim radnim tijelima.

Na osnovu stava 2. ovoga člana, presuda se uvrštava u prijedlog dnevnog reda prve naredne sjednice Doma.

Predsjedavajuća je predložila da se kao tačka 1. dnevnog reda ove sjednice uvrsti Prijedlog zaključka u vezi Presude, broj: U-27/15 od 23. 3.2016. godine.

Na osnovu stava 2. ovoga člana, presuda se uvrštava u prijedlog dnevnog reda prve naredne sjednice Doma.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, prihvatio prijedlog da se u dnevni red kao 1. tačka dnevnog reda uvrsti Prijedlog zaključka u vezi Presude, broj: U- 27/15 od 23.3.2016. godine.

Također, Vlada Federacije dostavila je Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine s prijedlogom da se razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 29 glasova za, 11 glasova protiv i jednim uzdržanim glasom, prihvatio da se Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine razmatra po hitnom postupku.

Budući da je Željko Mirković, uz podršku dva delegata, izrazio sumnju u rezultate glasanja pristupilo se poimeničnom glasanju kojeg je obavio Izmir Hadžić, sekretar Doma naroda.

Na osnovu rezultata poimeničnog glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 28 glasova za i 14 glasova protiv, prihvatio da se Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine razmatra po hitnom postupku.

Aner Žuljević je postavio pitanje da li je Agencija za osiguranje u Bosni i Hercegovini dala prethodnu saglasnost na Prijedlog zakona o osiguranju.

Predsjedavajuća je izjavila da će federalna ministrica finansija dati odgovor na ovo pitanje kada bude obrazlagala Prijedlog ovog zakona.

Budući da više nije bilo prijedloga za izmjenu i dopunu dnevnog reda, predsjedavajuća je konstatovala da je Dom naroda Parlamenta Federacije BiH, sa 34 glasa za, tri glasa protiv i pet uzdržanih glasova, usvojio sljedeći

## **DNEVNI RED**

1. Prijedlog zaključka u vezi Presude, broj: U-27/15 od 23.3.2016. godine,
2. Prijedlog zaključaka (predlagač: Slaviša Šućur, delegat u Domu naroda),
3. Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine - hitni postupak,
4. Prijedlog zakona o izmjenama i dopunama Zakona o istraživanju i eksploataciji nafte i plina u Federaciji BiH,
5. Prijedlog zakona o osiguranju,
6. Prijedlog zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama,
7. Nacrt zakona o štrajku,

8. Prijedlog odluke o utvrđivanju Programa provođenja statističkih istraživanja od interesa za Federaciju Bosne i Hercegovine za period 2017. - 2020. godina,
9. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridor Vc,
10. Izbor i imenovanja:
  - a) Prijedlog odluke o imenovanju direktora Agencije za bankarstvo Federacije Bosne i Hercegovine
  - b) Prijedlog odluke o imenovanju zamjenika direktora Agencije za bankarstvo Federacije Bosne i Hercegovine,
  - c) Prijedlog odluke o dopuni Odluke o formiranju i izboru članova u Komisiju za evropske integracije Doma naroda Parlamenta Federacije Bosne i Hercegovine,
  - d) Prijedlog odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine.

## **1. Prijedlog zaključka u vezi Presude, broj: U - 27/15 od 23.3.2016. godine**

Predsjedavajuća je podsjetila delegate da je Ustavni sud Federacije Bosne i Hercegovine, 23.3.2016. godine donio Presudu, broj: U- 27/15 kojom je utvrdio da čl. 33. i 40. Zakona o stečajnom postupku („Službene novine Federacije BiH“, br. 29/03, 32/04 i 42/06) nisu u saglasnosti sa Ustavom Federacije Bosne i Hercegovine. Presuda je dostavljena Parlamentu Federacije Bosne i Hercegovine.

U skladu sa članom 250. Poslovnika o radu Doma naroda Parlamenta Federacije Bosne i Hercegovine presude su upućene delegatima i nadležnim radnim tijelima.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za, jednim glasom protiv i jednim uzdržanim glasom, usvojio sljedeći

### **ZAKLJUČAK**

Zadužuje se premijer Federacije Bosne i Hercegovine da, u skladu sa obavezama iz Ustava Federacije Bosne i Hercegovine, osigura izvršenje presude Ustavnog suda Federacije Bosne i Hercegovine broj: U-27/15 od 23.3.2016. godine.

## **2. Prijedlog zaključaka (predlagač: Slaviša Šućur, delegat u Domu naroda)**

Prijedlog zaključaka obrazložio je Slaviša Šućur, delegat u Domu naroda.

Prijedlog zaključaka su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovina, **nije usvojio** Prijedlog zaključaka, jer je za glasalo 19 delegata, a 18 je bilo uzdržano.

## **3. Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine - hitni postupak**

Prijedlog zakona utvrdila je Vlada Federacije.

Vlada Federacije je naknadno podnijela Amandman na Prijedlog ovog zakona.

Predstavnički dom Parlamenta Federacije Bosne i Hercegovine je na 17. sjednici od 25.1.2017. godine usvojio Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine sa amandmanom Vlade Federacije koji je postao sastavni dio Prijedloga zakona. Također, Vlada Federacije je na sjednici Predstavničkog doma prihvatila amandmane koji se odnose na čl. 1. i 2. Prijedloga zakona.

Prijedlog zakona razmatrala su nadležna radna tijela i dostavila svoje izvještaje.

U raspravi je učestvovao Aner Žuljević.

Nakon toga, radno predsjedništvo Doma naroda je predložilo da se o svim tačkama dnevnog reda obavi rasprava, a da se izjašnjanje obavi na kraju.

Budući da je bilo prijedloga da se Dom naroda izjasni o ovom prijedlogu, predsjedavajuća je konstatovala da nema kvoruma za rad, te je u dogovoru sa predsjednicima klubova naroda prekinula sjednicu u 17:55 i najavila nastavak za četvrtak, 9.2.2017. godine, u 11 sati.

### **NASTAVAK SJEDNICE OD 9.2.2017. GODINE**

Sjednica je počela u 11:40.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Predsjedavajuća je pozdravila prisutne delegate, premijera Fadila Novalića, zamjenike premijera, Jelku Milićević i Veska Drljaču, ministre, predstavnike međunarodnih organizacija, lokalne samouprave, medija i goste.

Izostanak sa sjednice su opravdali Daliborka Milović, Đuro Prkačin i Đuro Delić.

Na osnovu evidencije Stručne službe, predsjedavajuća je konstatovala da sjednici prisustvuju 43 delegata, što čini većinu pa Dom naroda može raditi i punovažno odlučivati.

Predsjedavajuća je podsjetila delegate na preostale tačke dnevnog reda i prešla na rad.

### **3. Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine - hitni postupak**

Predsjedavajuća je podsjetila da je rasprava o ovoj tački obavljena.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 29 glasova za, četiri protiv i 11 uzdržanih, usvojio Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine.

### **4. Prijedlog zakona o izmjenama i dopunama Zakona o istraživanju i eksploataciji nafte i plina u Federaciji Bosne i Hercegovine**

Prijedlog zakona utvrdila je Vlada Federacije.

Predstavnički dom je na 14. vanrednoj sjednici održanoj 14.12.2016. godine usvojio Prijedlog zakona o izmjenama i dopunama Zakona o istraživanju i eksploataciji nafte i plina u Federaciji Bosne i Hercegovine u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložio Stipo Buljan, pomoćnik federalnog ministra energije, rudarstva i industrije.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za, tri protiv i

pet uzdržanih, usvojio Prijedlog zakona o izmjenama i dopunama Zakona o istraživanju i eksploataciji nafte i plina u Federaciji Bosne i Hercegovine.

## 5. Prijedlog zakona o osiguranju

Prijedlog zakona utvrdila je Vlada Federacije.

Predstavnički dom izvijestio je Dom naroda da u nastavku 14. sjednice, održane 15.12.2016. godine, **nije usvojio** Prijedlog zakona o osiguranju jer prilikom glasanja Prijedlog nije dobio potrebnu većinu glasova poslanika.

Također, Predstavnički dom je na 17. sjednici od 25.1.2017. godine, usvojio Prijedlog zakona o osiguranju kojeg su predložili Edin Mušić, Mladen Bošković i Vesna Švancer, poslanici u Predstavničkom domu Parlamenta Federacije BiH. Tom prilikom, predlagači su prihvatili Amandman Vlade Federacije koji je postao sastavni dio Prijedloga zakona.

Ovaj Prijedlog zakona je istovjetan tekstu koji je predložila Vlada Federacije, ali se iz poslovnčkih razloga nije mogao naći na dnevnom redu sjednice Doma naroda.

Prijedlog zakona razmatrala su nadležna radna tijela, koja su dostavila svoje izvještaje.

Na Prijedlog zakona pet amandmana podnio je delegat **Aner Žuljević**.

Vlada Federacije dostavila je izjašnjenje kojim **ne prihvata** podnesene amandmane.

Prijedlog zakona obrazložila je Jelka Milićević i dala ispravku tehničke prirode koja glasi:

„U članu 127. u stavu (4) druga rečenica briše se“.

Izjavila je da je ova ispravka identična Amandmanu koji je Vlada Federacije podnijela na Prijedlog zakona o osiguranju kojeg su predlagači Edin Mušić, Mladen Bošković i Vesna Švancer prihvatili, pa je postao sastavni dio Prijedloga zakona koji je usvojio Predstavnički dom.

U raspravi su učestvovali Aner Žuljević i federalna ministrica finansija.

Budući da Aner Žuljević nije odustao od amandmana, predsjedavajuća je je stavila na glasanje Amandman I i konstatovala da Dom naroda Parlamenta Federacije **nije usvojio** ovaj amandman, jer je za glasalo 20 delegata, 12 je bilo protiv i 11 uzdržano.

Aner Žuljević je izjavio da odustaje od ostalih amandmana, budući da su vezani sa Amandmanom I.



Delegati su, zatim, glasali o Prijedlogu zakona o osiguranju.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 30 glasova za, 14 protiv i dva uzdržana, usvojio Prijedlog zakona o osiguranju.

## **6. Prijedlog zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama**

Prijedlog zakona utvrdila je Vlada Federacije.

Prijedlog zakona razmatrala su nadležna radna tijela, koja su dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 42 glasa za i dva uzdržana glasa, usvojio Prijedlog zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama.

## **7. Nacrt zakona o štrajku**

Nacrt zakona utvrdila je Vlada Federacije.

Predstavnički dom je na 17. sjednici, održanoj 25.1.2017. godine, razmatrao Nacrt zakona o štrajku i Zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje.

Nacrt zakona je obrazložio Vesko Drljača, federalni ministar rada i socijalne politike.

U raspravi su učestvovali: Admir Hadžipašić, Vesna Saradžić, Aner Žuljević i Osman Ćatić, predsjednik Kluba delegata bošnjačkog naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za, sedam protiv i tri uzdržana, usvojio sljedeći

## **ZAKLJUČAK**

1. Dom naroda Parlamenta Federacije Bosne i Hercegovine **prihvata** Nacrt zakona o štrajku i smatra da može poslužiti kao osnov za izradu Prijedloga zakona.
  2. Zadužuje se predlagač da organizira i provede javnu raspravu u trajanju 90 dana u skladu sa procedurom propisanom u Ustavu Federacije za donošenje zakona iz zajedničke nadležnosti federalne vlasti i kantona.
  3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u okviru javne rasprave.
  4. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt zakona o štrajku dostavi kantonalnim skupštinama radi davanja mišljenja u roku od 60 dana.
- 8. Prijedlog odluke o utvrđivanju Programa provođenja statističkih istraživanja od interesa za Federaciju Bosne i Hercegovine za period 2017. - 2020. godina**

Prijedlog odluke utvrdila je Vlada Federacije i dostavila je sa Programom Parlamentu Federacije radi razmatranja i donošenja.

Predstavnički dom je na 13. sjednici, održanoj 13.12.2016. godine, donio Odluku o utvrđivanju Programa provođenja statističkih istraživanja od interesa za Federaciju Bosne i Hercegovine za period 2017. - 2020. godina

Prijedlog odluke razmatrala su nadležna radna tijela i dostavila svoje izvještaje.

Prijedlog odluke je obrazložio direktor Zavoda za statistiku Federacije Bosne i Hercegovine.

U raspravi su učestvovali: Aner Žuljević, Jasenko Tufekčić, Muhamed Kozadra i direktor Zavoda za statistiku Federacije BiH.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 37 glasova za, četiri protiv i tri uzdržana, donio Odluku o utvrđivanju Programa provođenja statističkih istraživanja od interesa za Federaciju Bosne i Hercegovine za period 2017. - 2020. godina.

- 9. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridor Vc**

Prijedlog odluke utvrdila je Vlada Federacije i dostavila je, sa popratnim materijalima, Parlamentu Federacije radi razmatranja i donošenja.

Predstavnički dom je na 17. sjednici, održanoj 25.1.2017. godine, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridor Vc .

Prijedlog odluke razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za i četiri uzdržana, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridor Vc.

#### **10. Izbor i imenovanja:**

- a) Prijedlog odluke o imenovanju direktora Agencije za bankarstvo Federacije Bosne i Hercegovine**
  - b) Prijedlog odluke o imenovanju zamjenika direktora Agencije za bankarstvo Federacije Bosne i Hercegovine**
  - c) Prijedlog odluke o dopuni Odluke o formiranju i izboru članova u Komisiju za evropske integracije Doma naroda Parlamenta Federacije Bosne i Hercegovine**
  - d) Prijedlog odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine**
- 
- a) Prijedlog odluke o imenovanju direktora Agencije za bankarstvo Federacije Bosne i Hercegovine**

Prijedlog odluke dostavila je Vlada Federacije.

Predstavnički dom je na 16. sjednici, održanoj 25.1.2017. godine, donio Odluku o imenovanju direktora Agencije za bankarstvo Federacije Bosne i Hercegovine, kojim je za direktora Agencije imenovan Jasmin Mahmuzić na period od pet godina.

Komisija za izbor i imenovanja razmatrala je ovaj prijedlog i utvrdila Prijedlog odluke o imenovanju direktora Agencije za bankarstvo Federacije Bosne i Hercegovine kojim se za direktora Agencije imenuje Jasmin Mahmuzić, na period od pet godina.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 29 glasova za, dva protiv i pet uzdržanih, donio Odluku o imenovanju Jasmina Mahmuzića za direktora Agencije za bankarstvo Federacije Bosne i Hercegovine na period od pet godina.

Budući da je Slaviša Šućur, uz podršku dva delegata, izrazio sumnju u rezultate glasanja, pristupilo se poimeničnom glasanju koje je obavio sekretar Doma naroda, Izmir Hadžićević.

Na osnovu rezultata poimeničnog glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 29 glasova za, jednim protiv i 11 uzdržanih, donio Odluku o imenovanju Jasmina Mahmuzića za direktora Agencije za bankarstvo Federacije Bosne i Hercegovine na period od pet godina.

#### **b) Prijedlog odluke o imenovanju zamjenika direktora Agencije za bankarstvo Federacije Bosne i Hercegovine**

Prijedlog odluke dostavila je Vlada Federacije.

Predstavnički dom je na 16. sjednici, održanoj 25.1.2017. godine, donio Odluku o imenovanju zamjenika direktora Agencije za bankarstvo Federacije Bosne i Hercegovine kojom je za zamjenicu direktora Agencije imenovana Dubravka Bošnjak na period od pet godina.

Komisija za izbor i imenovanja razmatrala je ovaj prijedlog i utvrdila Prijedlog odluke o imenovanju zamjenika direktora Agencije za bankarstvo Federacije Bosne i Hercegovine kojim se za zamjenicu direktora Agencije imenuje Dubravka Bošnjak na period od pet godina.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 29 glasova za, tri protiv i 11 uzdržanih, donio Odluku o imenovanju Dubravke Bošnjak za zamjenicu direktora Agencije za bankarstvo Federacije Bosne i Hercegovine na period od pet godina.

#### **c) Prijedlog odluke o dopuni Odluke o formiranju i izboru članova u Komisiju za evropske integracije Doma naroda Parlamenta Federacije Bosne i Hercegovine**

Predsjedavajuća je podsjetila delegate da je Dom naroda Parlamenta Federacije Bosne i Hercegovine na 5. vanrednoj sjednici, održanoj 30. septembra 2015. godine, donio Odluku o formiranju i izboru članova u Komisiju za evropske integracije Doma naroda Parlamenta Federacije Bosne i Hercegovine kojom su za članove Komisije izabrani: Lidija Bradara za predsjednicu Komisije, Slaviša Šućur za zamjenika predsjednice, Jasenko Tufekčić, Tomislav Martinović i Osman Ćatić, za članove.

U skladu sa zaključcima Komisije za evropske integracije Doma naroda, predloženo je da se ova Odluka dopuni tako da se u tački I. Odluke iza riječi: „- Tomislav Martinović“ dodaju riječi: „i Drago Puzigaća“.

Komisija za izbor i imenovanja je utvrdila Prijedlog ove odluke.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 29 glasova za, šest protiv i šest uzdržanih, donio Odluku o dopuni Odluke o formiranju i izboru članova u Komisiju za evropske integracije Doma naroda Parlamenta Federacije Bosne i Hercegovine kojom je u ovu komisiju izabran Drago Puzigaća.

**d) Prijedlog odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine**

Klub delegata bošnjačkog naroda u Domu naroda dostavio je prijedlog Komisiji za izbor i imenovanja da se u Komisiju za jezička pitanja Doma naroda iz reda stručnih, naučnih, kulturnih i javnih radnika izabere Jasmin Mehanoli, budući da je Zijad Okanović 4.1.2016. godine podnio ostavku na mjesto člana u ovoj komisiji.

Komisija za izbor i imenovanja je utvrdila Prijedlog ove odluke.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 41 glasom za i dva uzdržana, donio Odluku o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH kojom je Zijad Okanović razriješen članstva u Komisiji za jezička pitanja, a za člana iz reda stručnih, naučnih, kulturnih i javnih radnika izabran Jasmin Mehanoli.

Sjednica je završena u 13:20.

Transkript sjednice čini sastavni dio Zapisnika.

SEKRETAR

PREDSJEDAVAJUĆA

Izmir Hadžić

Lidija Bradara